

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće**

**Broj:** 01/1-25-Z/23  
**Kakanj,** 31.01.2023. godine

**Z A P I S N I K**  
**sa 25. redovne sjednice Općinskog vijeća održane 31.01.2023. godine (utorak)**  
**u sali Općinskog vijeća sa početkom u 9:00 sati**  
**(sažetak zapisnika)**

Predsjedavajući Općinskog vijeća Slaven Katičić je pozdravio prisutne i otvorio 25. redovnu sjednicu Općinskog vijeća.

Prije početka sjednice i utvrđivanja kvoruma svečanu izjavu su dali vijećnici Marcela Ravlja (NS) i Amar Selimović (SDA), a nakon prestanka mandata vijećnicima Behiji Kulović (NS) i Nedimu Mušiji (SDA).

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Izudin Pušćul, Omer Musić, Nerma Aliefendić, Safet Šahman, Mejrema Purišević, Mediha Mamela, Elvir Delibašić, Namir Talić, Adis Mrkonjić, Izudin Hrusto, Amar Selimović, Aldin Šljivo i Džemal Bečirhodžić (**naknadno pristupio**) (**SDA**)

Vinka Aletović, Ahmed Begić, Miroslav Spasojević (**SDP BiH**)

Mirsad Tursum, Zerina Kovač, Fakir Ajdinović i Sabit Čehajić (**S BiH**)

Dževdet Huskić, Marcela Ravlja i Branko Češljić (**NS**)

Mugdin Gorak i Enver Merdić (**naknadno pristupio**) (**SBB BiH**)

Adnan Čobo (**DF**)

Slaven Katičić (**HDZ BiH**)

Mujo Fafulić (**nacionalna manjina**)

**Odsutni vijećnici:** Armin Bašić (**DF**) i Eldin Mijoč (**SDP BiH**) – podnio ostavku

Predsjedavajući je konstatovao da je na sjednici u momentu prijave prisutno 26 vijećnika i vijećnica, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

**Mirnes Bajtarević**, općinski načelnik

**Ferdo Mijač**, sekretar Općinskog vijeća

**Džihad Berbić**, pomoćnik općinskog načelnika za finansije

**Mirza Fazlić**, pomoćnik općinskog načelnika za privredu, urbanizam i zaštitu okoline

**Bahrudin Arnaut**, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

**Edin Aliefendić**, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

**Nurudin Hrusto**, pomoćnik općinskog načelnika za civilnu zaštitu

**Alem Škulj**, ispred Službe za imovinskopravne, geodetske poslove i katastar nekretnina

**Zijad Neimarlija**, direktor Zavoda za planiranje i izgradnju općine Kakanj  
**Mahir Sikira**, savjetnik općinskog načelnika

**Izvjestiocici, obradivači, gosti:**

Daut Bajrović, predstavnik OSCE-a  
Azra Čišija, direktorica JU i Mirsada Čaluk, predsjednica UO JU „Mladost“ Kakanj  
Senad Čišija, direktor JU „Gradska biblioteka“ Kakanj  
Mirza Mušija, direktor JU i Nihad Tukić, predsjednik UO JU „KSC“ Kakanj

**Predstavnici medija**

**NTV IC Kakanj**  
**Radio Kakanj**  
**Kakanj Info**

**Napomene o radu Kolegija Općinskog vijeća**

U pripremi 25. redovne sjednice Općinskoga vijeća, Kolegij Općinskog vijeća je 23.01.2023. godine, održao sjednicu na kojoj je razmatrao:

**a) Dopis advokata Ševala Demir**

Kolegij je dopis sa pratećim prilozima proslijedio svim organima upravljanja JU „Kulturno-sportski centar“ Kakanj da se u skladu sa svojim nadležnostima očituju o navodima iz dopisa, te da o svemu izvijeste Kolegij Općinakog vijeća i advokata Ševalu Demir .

**Usvajanje zapisnika sa 24. redovne sjednice Općinskog vijeća**

Nije bilo primjedbi na zapisnik i isti su usvojeni sa 20 glasova ZA, bez glasova PROTIV i 4 glasa UZDRŽAN.

**Komentari na dostavljene odgovore na vijećnička pitanja**

Nije bilo komentara na dostavljene odgovore na vijećnička pitanja.

**Komentari na dostavljena mišljenja na vijećničke inicijative**

Nije bilo komentara na dostavljena mišljenja na podnesene vijećničke inicijative.

**Vijećnička pitanja:**

**Dževdet Huskić:** je postavio dva vijećnička pitanja. Prvo je da li je u planu restauracija i spašavanje od potpunog propadanja rodne kuće narodnog heroja Rudog Čajaveca koja je u katastrofalom stanju? Drugo pitanje je zašto je općinskoj Facebook stranici koja se zvala „Općina Kakanj“ promijenjen naziv i sada se zove „Općina Kakanj – načelnik“, kakve promjene se mogu očekivati u vezi sa sadržajima koji će se objavljivati i ko je administrator nove stranice?

**Marcela Ravlija:** je postavila vijećničko pitanje kada će, na koji način i po kojim kriterijima biti podijeljene subvencije penzionerima/umirovljenicima, a imajući u vidu obećanje Općinskog načelnik o podjeli subvencija penzionerima/umirovljenicima od sredstava koja su bila namenjena finansiranju proslave Nove godine?

**Vinka Aletović:** je postavila vijećničko pitanje zašto na sjednicama Općinskog vijeća još nije razmatrana inicijativa o formiranju nove mjesne zajednice na području Slijevnica i Željezničke stanice, obzirom da su mještani Slijevnica i Željezničke stanice sredinom prošle godine održali zbor građana na kojem su jednoglasno podržali inicijativu za izdvajanje iz MZ Bičer i formiranje nove mjesne zajednice na teritoriji tih podružnica?

**Mirsad Tursum:** je postavio vijećničko pitanje da li je moguće na novoizgrađenoj saobraćajnici, kod zgrade Općinskog suda, postaviti znak zabrane skretanja iz pravca Stare jame prema Domu zdravlja i obratno, iz razloga što na završetku novoizgrađene saobraćajnice iz pravca Stare jame vozači skreću prema Domu zdravlja pod oštrim uglom čime dovode u opasnost sve učesnike u saobraćaju?

**Safet Šahman:** je postavio vijećničko pitanje kakvo je trenutno stanje sa ambulantom porodične medicine u Brnjicu, odnosno da li ista radi obzirom da prema njegovim informacijama u istoj nema grijanja?

**Mirsad Tursum (odgovor):** je rekao da nema informacije da ambulanta ne radi i da nema grijanja.

**Safet Šahman (dopuna pitanja):** je dodatno pojasnio pitanje i naveo da je jučer bio u ambulanti i da nije bilo grijanja, te je dobio informaciju da danas ambulanta neće raditi iz razloga što nema ogrijeva.

**Mirsad Tursum (odgovor):** je istakao da ogrijeva u ambulantni Brnjic ima dovoljno, ali je čovjek koji je bio angažovan za loženje odbio dalje da radi, zbog čega je ambulanta zagrijavana na struju, a da se radi na angažmanu novog lica koje će biti zaduženo za loženje, te je istakao problem krađe ogrijeva iz te ambulante.

Predsjedavajući je konstatovao da su vijećnici Branko Češljić, Namir Talić i Aldin Šljivo postavili vijećničko pitanje bez korištenja govornice.

**Branko Češljić:** je postavio dva vijećnička pitanja. Prvo je da li je tzv „šljaka“ sa TE Kakanj zabranjena za korištenje kao abrazivni materijal za zimsko održavanje cesta u gradskom i širem području i području Ponijera, te kako je definisan posipni materijal u ugovoru za održavanje ceste? Drugo pitanje je dokle se došlo s pokretanjem obnove i restauracije kuće Duspera u Kraljevoj Sutjesci uzimajući u obzir da je taj nacionalni spomenik Bosne i Hercegovine oštećen i u raspadajućem stanju?

**Namir Talić:** je postavio vijećničko pitanje u kojoj fazi se nalazi izrada potrebne dokumentacije za izgradnju mosta u naselju Modrinje i kada se može očekivati početak radova na izgradnji tog mosta?

**Aldin Šljivo:** je postavio vijećničko pitanje na koji način je izvršen izbor zakupca prilikom iznajmljivanja ugostiteljskog objekta u Ski centru Ponijeri, odnosno da li su usluge bile ponuđene javno i svima, kada i gdje je objavljeno, do kada je ugovor potpisani, koji su uslovi u ugovoru, te da li su iznajmljene i prostorije pomoćnog ugostiteljskog objekta uz ski stazu?

### **Vijećničke inicijative**

**Dževdet Huskić:** je pokrenuo dvije vijećničke inicijative. Prva inicijativa je da se izradi akcioni plan spašavanja, čišćenja i uređenja 9 kakanjskih rijeka koje nastaju i čitavom svojom dužinom teku na prostoru općine Kakanj, te rijeka Bosna koja dijelom svoga toka protiče kroz Kakanj. Predlažio je da nadležna služba u saradnji sa mjesnim zajednicama izradi plan kojim će se pokušati zaštiti od dalje devastacije i zagađenja kakanjske rijeke, a zatim da se iste očiste i urede njihova korita. Druga inicijativa se odnosi na podjednako promovisanje na FB stranici „Općina Kakanj – načelnik“ i na gradskim displejima kakanjske turističke, sportske, kulturne i ostale ponude i sadržaje bez obzira na stranačku pripadnost ili simpatizerstvo prema određenoj političkoj stranci direktora ustanova, organizacija ili fizičkih lica koja stoje iza navedenih sadržaja.

**Marcela Ravlija:** je pokrenula dvije vijećničke inicijative. Prva je za postavljanje konveksnog saobraćajnog ogledala u ulici ZPO, iz razloga što je uključenje u ulicu ZPO-a iz smjera zgrade Šumarije (kod slastičarne „Ela“) veoma nepregledno, naročito pri skretanju u lijevo prema Domu zdravlja. Druga inicijativa se odnosi na ugradnju sistema za rekuperaciju zraka unutarnjeg prostora u JU „Mladost“ Kakanj, iz razloga što se štetni uticaji lošeg kvaliteta zraka prvenstveno ogledaju na zdravlju osoba koja unutra borave, a uz to se odražava na pažnju i akademski uspjeh predškolske i školske djece. Podsjetila je na Rezoluciju o zaštiti i kvalitetu zraka u zatvorenom prostoru koja je usvojena prije više od godinu dana u ZDK, a jedna od konkretnih aktivnosti iz iste je ugradnja sistema za rekuperaciju.

**Mirsad Tursum:** je pokrenuo vijećničku inicijativu za iznalaženje lokacije za izgradnju ambulante Plandište. Razlog za inicijativu je što je ambulanta Stara jama, koja pokriva područje naselja Plandište preopterećena, pri čemu ista ima preko 5.000 kartona pacijenata.

**Safet Šahman:** je pokrenuo vijećničku inicijativu da se u program podsticaja u poljoprivredi za 2023. godinu, uvrsti stavka podsticaj za voćarstvo, proizvođačima jagodičastog voća, malina i dr., za nabavku protivgradnih mreža i mreža za zaštitu od mraza, što bi pomoglo proizvođačima da se umanji uticaj vremenskih promjena, koje su posljednjih godina izražene, a zbog čega prozvođači trpe značajne štete na svojim plantažama.

Predsjedavajući je konstatovao da su vijećnici Fakir Ajdnović, Sabit Čehajić, Namir Talić, Adis Mrkonjić, Adnan Čobo i Aldin Šljivo, podnijeli vijećničke inicijative bez korištenja govornice.

**Fakir Ajdnović:** je pokrenuo vijećničku inicijativu za izmjenu i dopunu Odluke o utvrđivanju naknada članovima upravnih i nadzornih odbora javnih ustanova u dijelu koji se odnosi na visinu naknade za predsjednike i članove upravnih i nadzornih odbora. Razlog za inicijativu je što su naknade članovima upravnih i nadzornih odbora javnih ustanova znatno manje u odnosu na naknade članovima skupština i nadzornih odbora javnih preduzeća kojima je osnivač Općina Kakanj, čime su članovi organa javnih preduzeća dovedeni u povoljniji položaj.

**Sabit Čehajić:** je pokrenuo vijećničku inicijativu za pripajanje naseljenog mjesta „Novo naselje Bare“ u sastav MZ Plandište iz razloga što je to naselje trenutno u sastavu MZ Kakanj I, a isto je prostorno i infrastrukturno vezano za MZ Plandište.

**Namir Talić:** je pokrenuo vijećničku inicijativu za asfaltiranje pristupnog puta prema školi u naselju Zagrađe gdje se nalazi područna škola OŠ „Mula Mustafa Bašeskija“, u koju idu učenici od I do IV razreda i gdje je pristupni put prema školi u izuzetno lošem stanju i blatnjav, što otežava dolazak djece u školu.

**Adis Mrkonjić:** je pokrenuo vijećničku inicijativu da se izvrši sanacija potpornog zida u naselju Albanija (MZ Kakanj II) na skretanju za Šimiće, jer na pomenutoj lokaciji dolazi do obrušavanja kamenja iz potpornog zida što ugrožava bezbjednost učesnika u saobraćaju na toj dionici puta.

**Adnan Čobo:** je pokrenuo dvije vijećničke inicijative. Prva je da se reguliše aktivnost sankanja na stazi za sankanje koja se nalazi uz ski stazu na Ponijerima, na način da JU „KSC“ Kakanj odredi dežurnog sa konkretnim zaduženjem da uredi pravila ponašanja na stazi za sankanje, a sve iz razloga velikog broja povređivanja i postojanja realne opasnosti za nastankom i težih posljedica. Druga inicijativa je da se postavi dugi fiksirani usporivač brzine u Ulici branilaca, prije pješačkog prelaza, a radi sprečavanje nastanka štete i zaštite pješaka i ljudskih života, jer je predmetna dionica puta pogodna za postizanje većih brzina, dok uslovi za kretanje pješaka nisu na visokom nivou.

**Aldin Šljivo:** je pokrenuo vijećničku inicijativu za renoviranje sportske dvorane – sportske sale „B“ i „C“, te nabavku fudbalskih lopti za rekreaciju. Razlog za inicijativu je što se sale „B“ i „C“ nalaze u izuzetno lošem stanju, pri čemu su zidovi ishabani, svlačionice neuslovne, stalno je prisutan neugodan miris, krov na salama prokišnjava, što utiče na uništavanje parketa. Uz to lopte sa kojima se igra rekreacija su u trošnom stanju i nikako nisu za upotrebu.

### **Utvrđivanje dnevnog reda**

Predsjedavajući je za 25. redovnu sjednicu predložio dnevni red koji je usaglašen na sjednici Kolegija uz napomenu da su u međuvremenu pristigli novi materijali, pa je pozvao izvjestioce da upoznaju Vijeće o istim.

**Edin Aliefendić:** je predložio da se sa dnevnog reda povuče tačka „Prijedlog odluke o kriterijima, uslovima i načinu ostvarivanja prava na sufinansiranje troškova prijevoza redovnih učenika srednjih škola“, a da se umjesto toga u dnevni red uvrsti tačka „Prijedlog odluke o finansiranju troškova prijevoza redovnih učenika srednjih škola“.

**Džihad Berbić:** je predložio da se u dnevni red uvrsti tačka „Prijedloga odluke o dopuni Odluke o izvršavanju Budžeta Općine Kakanj za 2023. godinu“.

U diskusiji o dnevnom redu nije niko učestvovao, te je predsjedavajući predložio da dnevni red za 25. redovnu sjednicu sadrži 20 tačaka, a da se dodatni materijali „Prijedloga odluke o dopuni Odluke o izvršavanju Budžeta Općine Kakanj za 2023. godinu“ (tačka 1. dnevnog reda) i „Prijedlog odluke o finansiranju troškova prijevoza redovnih učenika srednjih škola“ (tačka 3. dnevnog reda), uvrste u dnevni red, što je Vijeće jednoglasno usvojilo sa 25 glasova ZA.

### **Usvojeni dnevni red**

1. Prijedlog odluke o dopuni Odluke o izvršavanju Budžeta Općine Kakanj za 2023.godinu
2. Prijedlog odluke o davanju na upravljanje, korištenje i održavanje zemljišta u vikend naselju Ponijeri općina Kakanj, Javnoj ustanovi „Kulturno-sportski centar“ Kakanj
3. Prijedlog odluke o finansiranju troškova prijevoza redovnih učenika srednjih škola
4. Prijedlog odluke o izmjeni i dopuni Odluke o utvrđivanju kriterija raspodjele sredstava za sport iz Budžeta Općine Kakanj
5. Prijedlog odluke o izmjeni Odluke o utvrđivanju registra naziva ulica, trgova i mostova na području općine Kakanj
6. Izvještaj o realizaciji Programa rasporeda sredstava boračkim udruženjima za 2022. godinu
7. Prijedlog programa rasporeda sredstava boračkim udruženjima za 2023. godinu
8. Izvještaj o realizaciji Programa rasporeda sredstava za obilježavanje značajnih datuma i manifestacija za 2022. godinu
9. Prijedlog programa rasporeda sredstava za obilježavanje značajnih datuma i manifestacija za 2023. godinu
10. Izvještaj o realizaciji Programa rasporeda sredstava za sport za 2022. godinu
11. Prijedlog programa rasporeda sredstava za sport za 2023. godinu
12. Prijedlog programa utroška sredstava za informisanje za 2023. godinu
13. Izvještaj o realizaciji Programa utroška namjenskih sredstava za zaštitu okoline Općine Kakanj za 2022. godinu
14. Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2022. godinu
15. Izvještaj o realizaciji Programa utroška sredstava iz Budžeta Općine Kakanj za podsticaje u oblasti poljoprivrede za 2022. godinu
16. Izvještaj o realizaciji i utrošku sredstava ostvarenih po osnovu nakande za vatrogastvo u 2022. godini
17. Prijedlog programa rasporeda i utroška planiranih sredstava od nakanda za vatrogastvo u 2023. godini
18. Davanje saglasnosti na Pravilnik o izmjenama i dopunama Pravilnika o koeficijentima i platnim razredima JU za predškolski odgoj i obrazovanje „Mladost“ Kakanj
19. Davanje saglasnosti na Finansijski plan JU za predškolski odgoj i obrazovanje „Mladost“ Kakanj za 2023. godinu
20. Davanje saglasnosti na Program rada JU „Gradska biblioteka“ Kakanj i Finansijski plan za 2023. godinu

### **1. Prijedlog odluke o dopuni Odluke o izvršavanju Budžeta Općine Kakanj za 2023. godinu**

**Predlačač:** općinski načelnik

**Obrađivač:** Služba za finansije

**Izvjestilac:** Džihad Berbić, pomoćnik općinskog načelnika

U diskusiji nije niko učestvovao i Vijeće je Odluku o dopuni Odluke o izvršavanju Budžeta Općine Kakanj za 2023. godinu, usvojilo jednoglasno sa 27 glasova ZA.

### **2. Prijedlog odluke o davanju na upravljanje, korištenje i održavanje zemljišta u vikend naselju Ponijeri općina Kakanj, Javnoj ustanovi „Kulturno-sportski centar“ Kakanj**

**Predlačač:** općinski načelnik

**Obradivač:** Služba za imovinskopravne, geodetske poslove i katastar nekretnina

**Izvjestilac:** Alem Škulj, ispred Službe

U diskusiji je učestvovao Dževdet Huskić.

**Dževdet Huskić:** je tražio pojašnjenje da li se će se na Ponijerima postavljati novi ski lift ili će se rekonstruisati postojeći, obzirom da je javnosti prezentirano da će se postojeći ski lift zamijeniti novim, dok u predmetnom materijalu stoji da će se vršiti rekonstrukcija ski lifta.

**Općinski načelnik (odgovor):** je istakao da je u pitanju postavljanje novog ski lifta, zbog čega se apliciralo prema Vladi Federacije BiH za izdvajanje sredstava, što je i odobreno, te su u prethodnoj godini iz općinskog Budžeta izdvojena sredstva za tu namjenu. Što se tiče postojećeg ski lifta, rekao je da se on skida i neće biti postavljen na nekoj drugoj lokaciji, jer se smatra da je on maksimalno iskorišten i da više nije pogodan za sigurno korištenje.

**Dževdet Huskić:** je nakon pruženog pojašnjenja predložio da se u obrazloženju predmetnog akta naglasi da se radi o izgradnji novog ski lifta, jer to nigdje ne stoji u odluci, već stoji da će ski lift biti rekonstruisan.

**Mirza Fazlić (odgovor):** je dodatno obrazložio zašto u predloženom aktu stoji termin „rekonstrukcija“ i kazao da svi pripremni radovi koji su korišteni za postojeći lift ostaju u upotrebi, kao i postojeća infrastruktura (priključci, kablovi, dozvole i sl.), a mijenja se samo postojeći lift novim, obzirom da projekat „ski lift“ ne podrazumjeva samo lift. Iz tog razloga neophodno je da se koristi termin „rekonstrukcija“, jer bi u suprotnom bilo nužno mijenjati sve postojeće dozvole i već postojeću prateću infrastrukturu.

Nakon diskusije Vijeće je usvojilo Odluku o davanju na upravljanje, korištenje i održavanje zemljišta u vikend naselju Ponijeri općina Kakanj, Javnoj ustanovi „Kultурно-sportski centar“ Kakanj sa 27 glasova ZA, bez glasova PROTIV i 1 glas UZDRŽAN.

### **3. Prijedlog odluke o finansiranju troškova prijevoza redovnih učenika srednjih škola**

**Predlačač:** općinski načelnik

**Obradivač:** Služba za društvene djelatnosti, boračka pitanja, raseljena lica, izbjeglice i povratnike

**Izvjestilac:** Edin Aliefendić, pomoćnik općinskog načelnika

U diskusiji je učestvovala Marcela Ravlija.

**Marcela Ravlija:** je kazala da podržava predmetnu odluku, ali joj nije prihvatljivo da učenici i roditelji budu izloženi novim troškovima i novom pribavljanju dokumentacije, kako bi ostvarili pravo po predloženoj odluci, ako se zna da su svi učenici koji vozare prije četiri mjeseca, na početku školske godine, podnijeli zahtjev sa traženom dokumentacijom nadležnoj službi u skladu sa ranjom odlukom. Zbog toga je predložila zaključak kojim se učenici koji su ostvarili pravo na finansiranje troškova prevoza u I polugodištu školske 2022/23 godine, oslobađaju obaveze dostavljanja dokumentacije u skladu sa predmetnom odlukom, ukoliko nije došlo do promjene prebivališta učenika, statusa školovanja i relacije na kojoj putuju.

**Edin Aliefendić (odgovor):** je pojasnio da predloženi zaključak pravno nije moguć, obzirom da je do nove godine vođen jedan upravni postupak, a postupak koji će se sada provoditi je potpuno drugi upravni postupak. Osim toga, istakao je da je Služba izvršila sve pripremne radnje kako bi učenicima i roditeljima olakšala postupak ostvarivanja prava po predloženoj odluci, na način da je po službenoj dužnosti, a na osnovu prošlogodišnje dokumentacije, pribavila sve CIPS obrasce za učenike koji su podnijeli zahtjev za mjesecnu kartu, te su pribavljene potvrde o redovnom školovanju, tako da je ostalo jedino da učenici podnesu novi zahtjev, što ne iziskuje nikakve troškove. Rekao je da će i potvrde o bankovnim računima, koje su u ranjem postupku priložene, biti iskorištene u novom postupku.

**Marcela Ravlija:** je prihvatile obrazloženje od pomoćnika općinskog načelnika i odustala od predloženog zaključka.

Nakon diskusije Vijeće je jednoglasno sa 26 glasova ZA usvojilo Odluku o finansiranju troškova prijevoza redovnih učenika srednjih škola.

#### **4. Prijedlog odluke o izmjeni i dopuni Odluke o utvrđivanju kriterija raspodjele sredstava za sport iz Budžeta Općine Kakanj**

**Predlagач:** općinski načelnik

**Obradivač:** Služba za društvene djelatnosti, boračka pitanja, raseljena lica, izbjeglice i povratnike

**Izvjestilac:** Edin Aliefendić, pomoćnik općinskog načelnika

U diskusiji su učestvovali Marcela Ravlija i Dževdet Huskić.

**Marcela Ravlija:** je kazala da se iz predložene odluke ne vidi kako će biti utrošen procenat od 81,04% sredstava namijenjen za redovna takmičenja sportskih klubova. Još pitala je zašto se ne implementira zaključak od prije dvije godine kada je na 5. sjednici Općinskog vijeća u martu 2021. godine, usvojen zaključak da se odluka o utvrđivanju kriterija raspodjele sredstava za sport iz budžeta Općine Kakanj dopuni na način da se odlukom odredi procenat budžetskih sredstava koji se opredjeljuje za rad omladinskih selekcija u klubovima, odnosno koji procenat sredstava se ima utrošiti na funkcionisanje seniorske ekipe, te da se uvrsti novi kriterij koji predviđa izdvajanje za klubove koji imaju ženske selekcije.

**Dževdet Huskić:** je tražio pojašnjenje nejasnoće u predloženoj odluci, odnosno neslaganja predloženih procenata raspodjele sredstava u predmetnoj odluci i programu rasporeda sredstava za sport (tačka 11. dnevnog reda). Naime, u odluci stoji da je za „Aktivnosti sportskog saveza Općine Kakanj“ predviđen procenat od 2,47%, dok u programu stoji procenat 2,99%, te na stavci „Sredstva rezerve“ u odluci stoji procenat 13,63%, a u programu 13,11%.

**Edin Aliefendić (odgovor):** je prihvatio sugestiju vijećnika Huskića i pojasnio da je u međuvremenu na stavci „Aktivnosti sportskog saveza Općine Kakanj“ došlo do povećanja sredstava iz razloga većih troškova organizacije manifestacije „Izbor sportiste godine“. Stoga, u odluci treba da stoji procenat 2,99% na stavci „Aktivnosti sportskog saveza Općine Kakanj“, dok na stavci „Sredstva rezerve“ treba da stoji procenat 13,11%, kako je predviđeno prijedlogom programa rasporeda sredstava za sport. U vezi diskusije vijećnice Ravlija je rekao da će „Sredstva za redovna takmičenja sportskih klubova“, predviđena u procentu od 81,04% biti raspoređena programom rasporeda sredstava za sport (tačka 11. dnevnog reda), dok je u vezi ranije usvojenog zaključka pojasio da se sredstva dodjeljuju na osnovu javnog poziva i po osnovu prijave klubova registrovanih na području općine Kakanj. Naglasio je da se prijava podnosi ispred sportskog kluba, a ne u ime bilo koje selekcije/kategorije, a dalje klubovi prema programima i planovima realizacije svojih aktivnosti vrše raspored opredjeljenih sredstava po kategorijama/selekcijsama. Što se tiče ženskog sporta rekao je da su Ženski odbojkaški klub „Kakanj“ i Odbojkaški klub „ARABI“ Kakanj, aplicirali po javnom pozivu i da su uvršteni u program u skladu sa njihovim planovima i programima.

Nakon diskusije Vijeće je usvojilo Odluku o izmjeni i dopuni Odluke o utvrđivanju kriterija raspodjele sredstava za sport iz Budžeta Općine Kakanj, uz ispravku procenata na stavkama „Aktivnosti sportskog saveza Općine Kakanj“ i „Sredstva rezerve“ sa 25 glasova ZA, bez glasova PROTIV i 3 glasa UZDRŽAN.

#### **5. Prijedlog odluke o izmjeni Odluke o utvrđivanju registra naziva ulica, trgova i mostova na području općine Kakanj**

**Predlagач:** općinski načelnik

**Obradivač:** Služba za opću upravu, radne i zajedničke poslove, lokalnu samoupravu i mjesne zajednice

**Izvjestilac:** Bahrudin Arnaut, pomoćnik općinskog načelnika

U diskusiji nije niko učestvovao i Vijeće je jednoglasno sa 27 glasova ZA usvojilo Odluku o izmjeni Odluke o utvrđivanju registra naziva ulica, trgova i mostova na području općine Kakanj.

#### **6. Izvještaj o realizaciji Programa rasporeda sredstava boračkim udruženjima za 2022. godinu**

**Predlačač:** općinski načelnik

**Obradivač:** Služba za društvene djelatnosti, boračka pitanja, raseljena lica, izbjeglice i povratnike

**Izvjestilac:** Edin Aliefendić, pomoćnik općinskog načelnika

U diskusiji nije niko učestvovao i Vijeće je usvojilo Zaključak o prihvatanju Izvještaja o realizaciji Programa rasporeda sredstava boračkim udruženjima za 2022. godinu, sa 25 glasova ZA, bez glasova PROTIV i 1 glas UZDRŽAN.

#### **7. Prijedlog programa rasporeda sredstava boračkim udruženjima za 2023. godinu**

**Predlačač:** općinski načelnik

**Obradivač:** Služba za društvene djelatnosti, boračka pitanja, raseljena lica, izbjeglice i povratnike

**Izvjestilac:** Edin Aliefendić, pomoćnik općinskog načelnika

U diskusiji nije niko učestvovao i Vijeće je usvojilo Program rasporeda sredstava boračkim udruženjima za 2023. godinu, sa 24 glasa ZA, bez glasova PROTIV i 3 glasa UZDRŽAN.

#### **8. Izvještaj o realizaciji Programa rasporeda sredstava za obilježavanje značajnih datuma i manifestacija za 2022. godinu**

**Predlačač:** općinski načelnik

**Obradivač:** Služba za društvene djelatnosti, boračka pitanja, raseljena lica, izbjeglice i povratnike

**Izvjestilac:** Edin Aliefendić, pomoćnik općinskog načelnika

U diskusiji nije niko učestvovao i Vijeće je usvojilo Zaključak o prihvatanju Izvještaja o realizaciji Programa rasporeda sredstava za obilježavanje značajnih datuma i manifestacija za 2022. godinu, sa 23 glasa ZA, bez glasova PROTIV i 5 glasova UZDRŽAN.

#### **9. Prijedlog programa rasporeda sredstava za obilježavanje značajnih datuma i manifestacija za 2023. godinu**

**Predlačač:** općinski načelnik

**Obradivač:** Služba za društvene djelatnosti, boračka pitanja, raseljena lica, izbjeglice i povratnike

**Izvjestilac:** Edin Aliefendić, pomoćnik općinskog načelnika

U diskusiji je učestvovao Dževdet Huskić.

**Dževdet Huskić:** je konstatovao da se u predloženom programu ne pominje obilježavanje Nove godine kao značajnog datuma/manifestacije. Pitao je da li je Općina Kakanj izbacila 31.12. iz svojih programske sadržaja, te se pitao da li Općina Kakanj sa budžetom kojim raspolaže treba da bira između organizacije bilo kakvog sadržaja povodom Nove godine i simbolične pomoći penzionerima. U prilog tome je naglasio da podržava izdvajanje za pomoći penzionerima, ali se ne slaže da se iz programa izbaci obilježavanje proslave Nove godine.

**Općinski načelnik (odgovor):** je napomenuo da se program obilježavanja Nove godine već duži niz godina provodi u organizaciji JU „KSC“ Kakanj i tako je planirano i za tekuću godinu, te s toga doček Nove godine nije izbačen iz programske aktivnosti koje se organizuju u Kakanju. Manifestacija „Zimska čarolija“ se organizuje za djecu i to je samo jedan od sadržaja u povodu obilježavanja Nove godine, a finansira se direktno iz općinskog budžeta. Podsjetio je da je u okviru te manifestacije, nekoliko dana pred Novu godinu, podjeljeno oko 300 paketića za djecu iz različitih udruženja, kao i djeci iz svih kakanjskih vrtića, a da se sredstva za obilježavanje ostalih sadržaja u povodu Nove godine nalaze u programu rada JU „KSC“ Kakanj.

**Dževdet Huskić:** je naglasio da cijeni sve napore koji se ulažu od strane načelnika i službi, pa tako i organizacija Zimske čarolije, ali je istakao da se dosta građana interesuje da li u Kakanju ima obilježavanja Nove godine, obzirom da ima onih kojima taj sadržaj predstavlja zadovoljštinu. Smatra da se odgovarajući sadržaji tim povodom mogu organizovati sa simboličnim sredstvima, bez da se troše stotine hiljada KM.

**Općinski načelnik (odgovor):** je rekao da postoje i ljudi koji su zahvalni zbog činjenice da u Kakanju nije bilo organizovanog dočeka Nove godine (policija, vatrogasci, medicinski radnici) koji imaju velike probleme prilikom organizovanja tih manifestacija. Uprkos tome, ponovio je da će se ta manifestacija, kao i proteklih godina, organizovati u režiji JU „KSC“ Kakanj.

Nakon diskusije Vijeće je usvojilo Program rasporeda sredstava za obilježavanje značajnih datuma i manifestacija za 2023. godinu, sa 22 glasa ZA, 5 glasova PROTIV, bez glasova UZDRŽAN.

Predsjedavajući je predložio da se objedini rasprava po tačkama 10. i 11. dnevnog reda, a da se glasanje obavi pojedinačno.

## **10. Izvještaj o realizaciji Programa rasporeda sredstava za sport za 2022. godinu**

## **11. Prijedlog programa rasporeda sredstava za sport za 2023. godinu**

**Predlačač:** općinski načelnik

**Obradivač:** Služba za društvene djelatnosti, boračka pitanja, raseljena lica, izbjeglice i povratnike

**Izvjestilac:** Edin Aliefendić, pomoćnik općinskog načelnika

U diskusiji su učestvovali Marcela Ravlija i Mirsad Tursum.

**Marcela Ravlija:** se prvo osvrnula na Izvještaj i rekla da se iz njega ne vidi u šta su utrošena sredstva, jer je samo zbirno naznačen iznos, a obzirom da su klubovi u obavezi dostaviti izvještaje nadležnoj službi, bilo je poželjno iz tih izvještaja navesti osnovne podatke o utrošku sredstava u ovaj Izvještaj. Zatim se osvrnula na program i dodala da je dobro što je iznos opredijeljen za sport uvećan ali obzirom na sva poskupljenja, ne može se govoriti o povećanju nego konstatovati da je iznos isti kao i prošlogodišnji. Naglasila je da nisu jednaka ulaganja u ženske i muške klubove. ŽOK i Škola sporta – jedini ženski klubovi imaju znatno manje sredstava nego muški. Dodala je da Sportski savez treba raditi na promociji ženskog kolektivnog sporta, a da se prilikom raspodjele sredstava trebaju izjednačiti klubovi po rangu takmičenja, a ne po rodnom kriteriju.

**Edin Aliefendić (odgovor):** je rekao da svi koji koriste budžetska sredstva (i klubovi i udruženja) su dužni svaki mjesec dostavljati detaljne izvještaje o utrošku istih, što i čine, te dodao da je moguće izvršiti uvid u tu dokumentaciju. U vezi prijedloga programa rekao je da se on sačinjava na osnovu javnog poziva na koji klubovi dostavljaju svoje planove i programe rada, a ne po rodnom kriteriju.

**Općinski načelnik:** se zahvalio na konstruktivnim raspravama vijećnika i na usvajanju prošlogodišnjeg Programa, a također se zahvalio i privrednicima koji su finansijski pratili kakanjske sportiste i generalno razvoj sporta u Kakanju, posebno kod mladih.

**Mirsad Tursum:** je rekao da prilikom rasporeda sredstava jedini kriterij ne bi smio biti samo rang takmičenja već i drugi kriteriji koje FK „Rudar“ u odnosu na ostale klubove i dvoranske sportove ima - kao što su dugogodišnja tradicija, stanje infrastrukture, masovnost sporta, troškovi organiziranja utakmica, troškovi licenciranja i kotizacija, troškovi održavanja prostorija, zdravstvena služba – sve što u dvoranskim sportovima pada na troškove budžeta ovdje pada na fudbalske klubove. Rekao je da nema ništa protiv FK „Mladost“ ali, obzirom da je ovaj Klub imao sreće sa sponzorom, njegova infrastruktura je u znatno boljem stanju. Također, trebaju se uzeti u obzir i ugovori igrača, pripremne radnje za utakmicu i slično. Dodao je da fudbalskom klubu sa stogodišnjom tradicijom Općinsko vijeće treba pomoći sa izgradnjom pomoćnog terena i renoviranjem postojećeg kako bi ispunio tehničke kriterije potrebne za takmičenja.

Nakon diskusije Vijeće je usvojilo zaključak o prihvatanju Izvještaja o realizaciji Programa rasporeda sredstava za sport za 2022. godinu, sa 22 glasa ZA, bez glasova PROTIV, uz 6 glasova UZDRŽAN, te je usvojen Program rasporeda sredstava za sport za 2023. godinu, sa 21 glasom ZA, bez glasova PROTIV, uz 6 glasova UZDRŽAN.

## **12. Prijedlog programa utroška sredstava za informisanje za 2023. godinu**

**Predlačač:** općinski načelnik

**Obradivač:** Stručna služba za poslove Općinskog načelnika

**Izvjestilac:** Bahrudin Arnaut, pomoćnik općinskog načelnika

U diskusiji je učestvovao Dževdet Huskić.

**Dževdet Huskić:** je upitao zašto nije razdovjen izvještaj od programa, te se osvrnuo na konstataciju u izvještajnom dijelu koja kaže da je realizaciju ovog Programa teško pratiti jer osim načelnika ova sredstva troše i ostale službe. Dodao je da se radi o nekoliko službi, te da je u tabeli izvještaja trebalo naznačiti koliko koja služba troši ovih sredstava ili da bar te službe u okviru svog plana predvide ova sredstva. Podsjetio je da je neposredno pred izbore u augustu u okviru rebalansa budžeta prebačeno 40 hiljada KM sa programa poticaja poljoprivrede i programa za privredu na ovaj Program, a iz obrazloženja/izvještaja se ne vidi u šta su potrošena ta sredstva. Na kraju je dodao da ovakvo izvještavanje stvara sumnju kojoj ne bi bilo mesta da se korektno izvještava i planira.

Nakon diskusije Vijeće je usvojilo Program utroška sredstava za informisanje za 2023. godinu, sa 20 glasova ZA, 3 glasa PROTIV i 2 glasa UZDRŽAN.

## **13. Izvještaj o realizaciji Programa utroška namjenskih sredstava za zaštitu okoline Općine Kakanj za 2022. godinu**

**Predlačač:** općinski načelnik

**Obradivač:** Služba za privredu, urbanizam i zaštitu okoliša

**Izvjestilac:** Mirza Fazlić, pomoćnik općinskog načelnika

U diskusiji su učestvali Marcela Ravlija i Mirsad Tursum.

**Marcela Ravlija:** je rekla da se na osnovu Izvještaja o realizaciji ovog Programa može vidjeti da najviše sredstava dolazi po osnovu naknade od rada termoelektrana i da bi se ta sredstva prilikom izrade programa za ovu godinu trebala usmjeriti u one mjesne zajednice koje su najugroženije radom termoelektrane. Navela je nekoliko ekoloških i infrastrukturnih projekata koje je predsjednik MZ Čatići dostavio (rasvjeta i pješačke staze u naselju Polje-Rampa; zamjena starih rasvjetnih tijela u naselju Hrasno, izgradnja modernog kanalizacijskog kolektora, rješavanje aerozagadženja, pranje trotoara i ulica itd. Na kraju je naglasila da se prioritet treba dati ekološki najugroženijim mjesnim zajednicama.

**Mirsad Tursum:** je rekao da obzirom na utjecaj rada termoelektrane na zdravlje stanovništva u programu rasporeda sredstava bi se trebao naći i neki vid pomoći za Dom zdravlja Kakanj.

Nakon diskusije Vijeće je usvojilo Zaključak o prihvatanju Izvještaja o realizaciji Programa utroška namjenskih sredstava za zaštitu okoline Općine Kakanj za 2022. godinu, sa 21 glasom ZA, bez glasova PROTIV i 4 glasa UZDRŽAN.

## **14. Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2022. godinu**

**Predlačač:** općinski načelnik

**Obradivač:** Služba za privredu, urbanizam i zaštitu okoliša

**Izvjestilac:** Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Zaključak o prihvatanju Izvještaja o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2022. godinu, sa 20 glasova ZA, bez glasova PROTIV i 2 glasa UZDRŽAN.

#### **15. Izvještaj o realizaciji Programa utroška sredstava iz Budžeta Općine Kakanj za podsticaje u oblasti poljoprivrede za 2022. godinu**

**Predlačač:** općinski načelnik

**Obradivač:** Služba za privredu, urbanizam i zaštitu okoliša

**Izvjestilac:** Mirza Fazlić, pomoćnik općinskog načelnika

U diskusiji nije niko učestvovao i Vijeće je jednoglasno sa 25 glasova ZA usvojilo Zaključak o prihvatanju Izvještaja o realizaciji Programa utroška sredstava iz Budžeta Općine Kakanj za podsticaje u oblasti poljoprivrede za 2022. godinu.

Predsjedavajući je predložio da se objedini rasprava po tačkama 16. i 17. dnevnog reda, a da se glasanje obavi pojedinačno.

#### **16. Izvještaj o realizaciji i utrošku sredstava ostvarenih po osnovu nakande za vatrogastvo u 2022. godini**

#### **17. Prijedlog programa rasporeda i utroška planiranih sredstava od nakanda za vatrogastvo u 2023. godini**

**Predlačač:** općinski načelnik

**Obradivač:** Služba civilne zaštite

**Izvjestilac:** Nurudin Hrusto, pomoćnik općinskog načelnika

U diskusiji nije niko učestvovao i Vijeće je jednoglasno sa 25 glasova ZA usvojilo Zaključak o prihvatanju Izvještaja o realizaciji i utrošku sredstava ostvarenih po osnovu nakande za vatrogastvo u 2022. godini, te je jednoglasno sa 26 glasova ZA usvojen Program rasporeda i utroška planiranih sredstava od nakanda za vatrogastvo u 2023. godini.

#### **18. Davanje saglasnosti na Pravilnik o izmjenama i dopunama Pravilnika o koeficijentima i platnim razredima JU za predškolski odgoj i obrazovanje „Mladost“ Kakanj**

**Predlačač:** UO JU za predškolski odgoj i obrazovanje „Mladost“ Kakanj

**Obradivač:** UO JU za predškolski odgoj i obrazovanje „Mladost“ Kakanj

**Izvjestilac:** Azra Čišija, direktorica JU i Mirsada Čaluk, predsjednica UO JU za predškolski odgoj i obrazovanje „Mladost“ Kakanj

**Mirsada Čaluk:** je po preporuci Službe za finansije Općine Kakanj dopunila član 2. Pravilnika o izmjenama i dopunama Pravilnika o koeficijentima i platnim razredima JU za predškolski odgoj i obrazovanje „Mladost“ Kakanj, novim stavom koji glasi: „Obračun plaće vršit će se po osnovici iz člana 1. počevši od 01.01.2023. godine.“

U diskusiji je učestvovala Marcela Ravlija.

**Marcela Ravlija:** je u svojstvu radnice JU za predškolski odgoj i obrazovanje rekla da se nada da će se odnos prema ovoj Ustanovi poboljšati, te da će se plaće radnika uskladiti sa ostalim JU i pedagoškim standardima, te cijeniti po odgovornom i zahtjevnom poslu koji oni obavljaju.

Nakon diskusije Vijeće je jednoglasno sa 22 glasa ZA usvojilo Zaključak o davanju saglasnosti na Pravilnik o izmjenama i dopunama Pravilnika o koeficijentima i platnim razredima JU za predškolski odgoj i obrazovanje „Mladost“ Kakanj.

## **19. Davanje saglasnosti na Finansijski plan JU za predškolski odgoj i obrazovanje „Mladost“ Kakanj za 2023. godinu**

**Predlagач:** UO JU za predškolski odgoj i obrazovanje „Mladost“ Kakanj

**Obradivač:** UO JU za predškolski odgoj i obrazovanje „Mladost“ Kakanj

**Izvjestilac:** Azra Čišija, direktorica JU i Mirsada Čaluk, predsjednica UO JU za predškolski odgoj i obrazovanje „Mladost“ Kakanj

U diskusiji nije niko učestvovao i Vijeće je usvojilo Zaključak o davanju saglasnosti na Finansijski plan JU za predškolski odgoj i obrazovanje „Mladost“ Kakanj za 2023. godinu, sa 23 glasa ZA, bez glasova PROTIV i 1 glas UZDRŽAN.

## **20. Davanje saglasnosti na Program rada JU „Gradska biblioteka“ Kakanj i Finansijski plan za 2023. godinu**

**Predlagач:** UO JU „Gradska biblioteka“ Kakanj

**Obradivač:** UO JU „Gradska biblioteka“ Kakanj

**Izvjestilac:** Senad Čišija, direktor JU „Gradska biblioteka“ Kakanj

U diskusiji je učestvovao Dževdet Huskić.

**Dževdet Huskić:** je rekao da prati rad Gradske biblioteke i da ima osjećaj da je ona na margini svih budžeta (kantonalnog i općinskog). Smatra da je vrijeme da se počne pružati podrška Gradskoj biblioteci i ljudima kojima u njoj rade, jer oni sa minimalnim sredstvima organizuju kvalitetne programe i sadržaje. Još je podsjetio da od svih javnih ustanova, javnih preduzeća i općinskog organa samo radnici Gradske biblioteke nisu dobili jednokratnu pomoć. U tom smislu je pozvao općinskog načelnika da iznađe način i sredstva da podrži sedam radnika Gradske biblioteke.

Nakon diskusije Vijeće je usvojilo Zaključak o davanju saglasnosti na Program rada JU „Gradska biblioteka“ Kakanj i Finansijski plan za 2023. godinu, sa 23 glasa ZA, bez glasova PROTIV i 1 glas UZDRŽAN.

Predsjedavajući je zaključio rad 25. redovne sjednice Općinskog vijeća u 11:15 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR  
OPĆINSKOG VIJEĆA**  
Ferdo Mijač

**PREDSJEDAVAJUĆI  
OPĆINSKOG VIJEĆA**  
Slaven Katičić